

# Leksyon

## 6



### "ANG KALUWASAN"

#### 1. Unsay kahulugan sa kaluwasan?

- Ang kaluwasan nagakahulugan sa pagpahigawas gikan sa sala ug silot niini.

Pinadayag 1:5. Kaniya nga nahigugma kanato ug nagatangtang kanato gikan sa atong mga sala pinaagi sa iyang dugo.

Roma 5:9. Ug kay namatarung na man kita karon pinaagi sa iyang dugo, labi pang luwason kita pinaagi kaniya gikan sa kapungot sa Dios.

#### 2. Nganong kinahanglan pa man kitang maluwas?

- Kinahanglan gayud kitang maluwas tungod kay kitang tanan nanagpakasala ug nahinukman na sa kamatayon nga walay katapusan.

Taga-Roma 3:23. Sanglit nakasala man ang tanan ug nakabsan sa himaya sa Dios Ezekiel 18:4. Ang kalag nga nakasala, kini mamatay.

3. Unsay angay natong buhaton aron kita maluwas?

- Motoo kita kang Ginoong JesuCristo aron kita maluwas.

Mga Buhat 16:31. Tumoo ka sa Ginoong Jesus ug maluwas ka.

4. Sa unsang paagi kita motoo kang Ginoong Jesus aron kita maluwas?

- Motoo kita sa gitudlo sa Bibliya mahitungod ni Jesus, ug atong dawaton si Jesus ingon nga Ginoo ug manluluwas, ug mosalig kaniya nga siya ang magadala kanato didto sa langit.

Juan 20:31. Apan kining ania gisulat aron motoo kamo nga si Jesus mao ang Cristo. Ang Anak sa Dios ug nga sa pagtoo makabaton kamog kinabuhi diha sa iyang ngalan.

5. Unsay angay natong buhaton mahitungod sa atong sala?

- Mohunong kita sa pagbuhat sa sala, ug hangyoon nato ang Dios nga tungod kang Cristo, iya kitang pasayloon ug hinloan gikan sa tanang pagpakasala.

I Juan 1:9. Kon isugid ta ang atong mga sala, Siya kasaligan ug makatarunganon nga tungod niana mopasaylo siya sa atong mga sala ug magahinlo kanatò gikan sa tanang pagkadili makatarunganon.

2 Corinto 7:10. Kay ang Diosnon nga kasubo mosangpot sa paghinulsul nga maga-agak ngadto sa kaluwasan.

6. Unsa ang manghitabo kanato sa diha nga madawat na nato ang kaluwasan?

- Natawo kita ngadto sa panimalay sa Dios, ug mao kini ang gipasabot ni Jesus sa iyang pag-ingon; “Kinahanglan magpakatawo kamo pag-usab”.

Juan 3:3. Ug si Jesus mitubag kaniya. “Sa pagkatinu-od, sa pagkatinu-od magahinlon ako kanimo gawas kon ang tawo iga-anak pag-usab, dili siya makakita sa gingharian sa Dios”.

2 Corinto 5:17. Busa kon ang tawo anaa kang Cristo, siya bag-o nang binuhat; ang daang nga butang nagpangagi na, tan-awa ang bag-ong mga butang nahibut na.

7. Unsa ang pagmatarung?

- Ang pagmatarung nagakahulugan nga gihimong matarung o gawas gikan sa sala. Ang Dios magpasaylo sa atong mga sala, magakuha sa tanan natong pagka

dili matarung, ug magaingon nga kita matarung na ug ingon sa wala lamang makabuhat ug sala.

Taga-Roma 5:1. Busa, sanglit namatarung man kita pinaagi sa pagtoo, kita may pakigdinaitay na sa Dios pinaagi sa atong Ginoong Dios.

### 8. Unsay gipasabot sa Dios sa pagkainanak?

Taga-Roma 8:16,17. Ang Espiritu sa Dios gayud mao ang magapanghimatuod uban sa atong espiritu nga kita mga anak sa Dios, ug nga kon kita mga anak, nan, mga manununod diay kita, mga manununod sa Dios ug mga isigkamanununod uban kang Cristo, kon moantus man kita uban kaniya aron pagahimayaon usab kita uban kaniya.

### 9. Unsa-on nato pagkasayud nga kita maluwasa?

- Masayran nato nga kita naluwas kon kita motoo sa gisulti sa Bibliya mahitungod niini, kon ang Espiritu Santo magapamatuod sa atong mga kasingkasing mahitungod sa atong kaluwasan, ug kon nahigugma ba kita sa atong mga kaigsoonan sa Ginoo.

Taga-Roma 8:16. Ang Espiritu sa Dios gayud mao ang magapanghimatuod uban sa atong espiritu nga kita mga anak sa Dios.

1 Juan 3:14. Kita nasayud nga kita nakalabang na gikan sa kamatayon ngadto sa kinabuhi, tungod kay kita nagahigugma man sa mga igsoon.

#### 10. Unsay kahulugan sa pulong Pagbalaan?

- Kini nagakahulugan nga gihimong balaan, gihinloan gikan sa sala ug gigahin alang sa pag-alagad sa Ginoo.

1 Tesalonica 5:23. Ang Dios sa kalinaw magabalaan unta sa inyong tibook nga pagkatawo, ug and inyong bug-os nga espiritu, kalag, ug lawas pagabantayan unta nga kini dili masalawayon inig-abot sa atong Ginoong JesuCristo.

#### 11. Kabubut-on ba sa Dios nga ang tanang Cristohanon mahimong balaan?

- Oo. Buot sa Dios nga mahimo kitang balaan.

1 Tesalonica 4:3. Kay ang pagbuot sa Dios mao kini, ang inyong pagkabinalaan; nga kamo managlikay sa pagpakighilawas. Hebreohanon 12:14. Panghimbasugi ang pagpakigdinaitay uban sa tanang tawo, ug ang pagkabinalaan nga kon wala kini walay bisan kinsa nga makakita sa Ginoo.

#### 12. Unsa ang "Divine Healing"?

- Kini mao ang pag-ayo sa lawas sa tawo gikan sa mga balatian pinaagi sa gahum sa Dios.

Santiago 5:14, 15. Aduna ba kaninyong nagamasakiton? Ipakuha niya ang mga anciano sa Iglesia, ug paampoan sila alang kaniya, nga magahaplas kaniya ug lana tungod sa ngalan sa Ginoo; ug ang pagampo nga inubanag pagtoo magaayo sa masakiton, ug siya pagabangonon; ug kon siya nakasala man, siya pagapasayloon.

13. Lakip ba ang pag-ayo sa mga balatian sa lawas, sa mga kaayohan nga nagaabut pinaagi sa kamatayon ni Jesus sa kalbaryo?
- Oo. Ang pag-ayo sa mga balatian lakip sa mga kaayohan nga gibayran ni Jesus sa kalbaryo.

Mateo 8:16, 17. Ilang gipanagdala ngadto kaniya ang daghang mga giyawaan; ug pinaagi sa usa ka pulong iyang gipagula ang mga espiritu gikan kanila, ug iyang giayo ang tanang mga masakiton. Kini, tuman sa gisulti pinaagi sa profeta nga si Isaias, nga nag-ingon, "Gikuha niya ang atong mga kaluyahon ug gipas-an niya ang atong mga sakit".

#### ANG IMONG PAGABUHATON

1. Basaha ang Taga-Roma capitulo 5, 6 ug 8.
2. Kon nasag-ulo na nimo pag-ayo ang mga sag-ulohon, tubaga ang mga pangutana sa Talaan sa Tinun-an alang sa ika-unom nga leksyon.